

26/08/2002

Gerakan tidak bantah

MELAKA: Gerakan menyerahkan kepada Perdana Menteri Datuk Seri Dr Mahathir Mohamad dan timbalannya Datuk Seri Abdullah Ahmad Badawi untuk menyelesaikan isu penggunaan bahasa Inggeris bagi mata pelajaran Sains dan Matematik yang akan dilaksanakan mulai tahun depan.

Presidennya, Datuk Seri Lim Keng Yaik, berkata Gerakan menyokong penuh sebarang langkah yang bakal diputuskan mengenai dasar baru itu.

"Perlu diumumkan di sini, Gerakan tidak pernah membantah pelaksanaan penggunaan bahasa Inggeris bagi mata pelajaran Sains dan Matematik.

"Apa yang dicadangkan oleh Gerakan ialah kaedah pelaksanaan perlu diubah suai. Berdasarkan itu, Gerakan menyerahkan kepada PM dan TPM untuk menyelesaikan isu ini," katanya di sini, semalam.